

ՔԱՂՎԱԾՔ

«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի՝
2022 թվականի մայիսի 13-ի, ժամը 14:00-ի նիստի
N 11 արձանագրությունից

ԼՍԵՑԻՆ.-

Պրոֆեսորի գիտական կոչում հայցելու նպատակով գիտական խորհրդի փակ գաղտնի քվեարկությանը մասնակցելու համար Հայաստանի պետական տնտեսագիտական համալսարանի միջազգային տնտեսական հարաբերությունների ամբիոնի դոցենտ, տնտեսագիտության դոկտոր Արարատ Դվինի Գոմցյանի ռեկտորին ուղղված դիմումի մասին հարցը:

Ձեկուցող՝ գիտական խորհրդին կից մրցութային հանձնաժողովի նախագահ, հասարակագիտության ամբիոնի պրոֆեսոր, փիլիսոփայական գիտությունների դոկտոր, պրոֆեսոր, «ՀՊՏՀ ամբիոնի պատվավոր վարիչ» Ա.Հ.Սարգսյան:

Ձեկուցողը նշեց. Ա.Գ.Գոմցյանը 2009 թվականի հոկտեմբերի 14-ից առ այսօր աշխատում է Հայաստանի պետական տնտեսագիտական համալսարանի միջազգային տնտեսական հարաբերությունների ամբիոնում՝ ժամավճարային կարգով. նախ՝ 14.10.2009-01.07.2011՝ պրոֆեսորի պաշտոնակատար, 01.09.2011-01.07.2019՝ պրոֆեսոր, իսկ 2019 թվականի սեպտեմբերի 2-ից՝ դոցենտ: Վերջին 5 ուսումնական տարվա ընթացքում անընդմեջ իրականացրել է հայցվող գիտական կոչման մասնագիտությանը համապատասխան գիտամանկավարժական գործունեություն:

Ա.Գ.Գոմցյանը գիտամանկավարժական աշխատանքին զուգահեռ աշխատել է պետական կառավարման համակարգում: 1978-1986 թթ. եղել է ՀՀ կոմունիստական կուսակցության կենտրոնական կոմիտեի պատասխանատու աշխատող, 1986-1990 թթ. եղել է ՀԿԿ Աշոցքի (Ղուկասյան) շրջանային կոմիտեի առաջին քարտուղար (երկրաշարժի գոտի), 1990-1995 թթ.՝ ՀՀ բնակարանային կոմունալ տնտեսության հանրապետական կոմիտեի նախագահ: 1996-1999 թթ. եղել է Շիրակի մարզի առաջին մարզպետ, 1999-2003 թթ.՝ ՀՀ կառավարության կենտրոնական ապարատի օպերատիվ կառավարման գլխավոր վարչության պետ, վարչապետի խորհրդական, 2003-2016 թթ.՝ Ռուսաստանի Դաշնության Հարավային դաշնային տարաշաճրջանում ՀՀ առաջին գլխավոր հյուպատոս: Ա.Գ.Գոմցյանը 1990-1995 թթ. եղել է ՀՀ ԳԽ առաջին գումարման պատգամավոր, 1995-1999 թթ.՝ ՀՀ Ազգային ժողովի առաջին գումարման պատգամավոր, ԱԺ պետական-իրավական հարցերի մշտական հանձնաժողովի անդամ:

1990-1994 թթ. Ա.Գ.Գոմցյանը մասնակցել է Արցախից բռնագաղթվածների տեղավորման, նյութական օգնության կազմակերպման, Ստեփանակերտի, Շուշիի, Խոջալու-Իվանյանի, Գորիսի, Ղափանի, Վարդենիսի, Ճամբարակի շրջանների պատերազմական գործողություններից տուժած բնակավայրերի վերականգնման աշխատանքների կազմակերպման գործընթացին: Զանգվածային լրատվական միջոցներում, գիտական համաժողովներում և տարբեր հանդիպումներում հանդես է եկել հայ-ռուսական հարաբերությունների զարգացման և տնտեսական համագործակցության թեմաներով:

Ա.Գ.Գոմցյանը 2005 թվականից Ռուսաստանի Դաշնության բնական գիտությունների ակադեմիայի իսկական անդամ է, 2012 թվականից՝ Դոնի Ռոստովի պետական տնտեսագիտական համալսարանի պատվավոր պրոֆեսոր: Պարգևատրվել է Հայաստանի Հանրապետության, Արցախի Հանրապետության, Ռուսաստանի Դաշնության պետական պարգևներով:

Ա.Գ.Գոմցյանը 1978 թվականին պաշտպանել է թեկնածուականատենախոսություն և ստացել տնտեսագիտության թեկնածուի գիտական աստիճան: 2002 թվականին ՀՀ ԲՈԿ-ի կողմից նրան շնորհվել է դոցենտի գիտական կոչում: 2005 թվականին պաշտպանել է դոկտորականատենախոսություն և ստացել տնտեսագիտության դոկտորի գիտական աստիճան: Դոկտորականատենախոսություն պաշտպանելուց հետո նա տվյալ բնագավառում ունի հրատարակված ինչպես գիտական, այնպես էլ ուսումնամեթոդական աշխատանք, որոնց ընդհանուր թիվը 29 է (1 մենագրություն, 1 կոլեկտիվ մենագրություն, 1 ուսումնական ձեռնարկ՝ համահեղինակությամբ, 19 գիտական հոդված՝ տպագրված միջազգային գիտական ամսագրերում (այդ թվում 4-ը՝ համահեղինակությամբ), 7 գիտական հոդված՝ տպագրված ՀՀ գիտական ամսագրերում (այդ թվում 1-ը՝ համահեղինակությամբ): Աշխատությունները վերաբերում են ՀՀ արտաքին առևտրատնտեսական հարաբերությունների զարգացմանը, միջազգային կապերի բնագավառում կառավարման նոր ձևերի և Հայաստանում դրանց կիրառմանը:

Ա.Գ.Գոմցյանի գիտական ղեկավարությամբ պաշտպանվել և ՀՀ ԲՈԿ-ի կողմից հաստատվել է մեկ թեկնածուականատենախոսություն: Նա ունի տեսական ու գործնական խոր գիտելիքներ, բարձր մակարդակով ղեկավարում է ավարտական աշխատանքներ և մագիստրոսական թեզեր: Իր կատարած դրական և արդյունավետ աշխատանքի շնորհիվ վայելում է գործընկերների և ուսանողների հարգանքը:

Միջազգային տնտեսական հարաբերությունների ամբիոնը (միաձայն) և գիտական խորհրդին կից մրցութային հանձնաժողովը միաձայն (կողմ՝ 7, դեմ՝ 0, ձեռնպահ՝ 0) երաշխավորել են Ա.Գ.Գոմցյանին՝ մասնակցելու գիտական

խորհրդի փակ գաղտնի քվեարկությանը պրոֆեսորի գիտական կոչում հայցելու նպատակով:

Քվեարկության արդյունքներն են. գիտական խորհրդի 60 անդամից նիստին և քվեարկությանը մասնակցել են 46-ը: Փակ գաղտնի քվեարկության արդյունքներն են. կողմ՝ 41, դեմ՝ 4, անվավեր քվեաթերթիկ՝ 1:

ՈՐՈՇԵՑԻՆ.-

1. Հաշվի առնելով, որ **Հայաստանի պետական տնտեսագիտական համալսարանի միջազգային տնտեսական հարաբերությունների ամբիոնի դոցենտ, տնտեսագիտության դոկտոր Արարատ Դվինի Գոմցյանի** կատարած գիտամանկավարժական աշխատանքը համապատասխանում է ՀՀ կառավարության՝ 2022 թվականի փետրվարի 17-ի N 177-Ն որոշմամբ նոր խմբագրությամբ շարադրված «Հայաստանի Հանրապետությունում գիտամանկավարժական կադրերին պրոֆեսորի և դոցենտի գիտական կոչումներ շնորհելու կարգի» (հաստատված ՀՀ կառավարության 2001 թվականի հուլիսի 9-ի N 615 որոշմամբ) 3-րդ գլխի 6-րդ կետի 1-ին ենթակետի ա. պարբերության պահանջներին՝ **Արարատ Դվինի Գոմցյանին** շնորհել **պրոֆեսորի** գիտական կոչում **«Տնտեսագիտություն»** բնագավառի **Ը.00.06՝ «Միջազգային տնտեսագիտություն»** մասնագիտությամբ:

2. Միջնորդել **Հայաստանի Հանրապետության բարձրագույն որակավորման կոմիտեին՝** հաստատելու համալսարանի գիտական խորհրդի որոշումը:

Գիտական խորհրդի նախագահ՝

Գիտական խորհրդի քարտուղար՝

2022 թ. մայիսի 13

Երևան



Դ. Գալոյան

Ն. Դարբինյան